



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XXXVII. Paridam von dem Knesebeck verkauft der Elendengilde zu
Salzwedel eine Getreidepacht aus Barnebeck, am 10. April 1497.

Nutzungsbedingungen

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

myne eruen myn Inghesegel wilken vnde mid guden willen hethen henghen benedden an dussen bref, de ghegheuen vnde ghescreuen is nba cristli vnzes heren ghehort verteynhundert Jar, dar nha in deme eyn vnde negentigsten Jare, am midweken in deme hilgen pingsten.

Nach dem Original des Salzwedelschen Archives XXI, 15.

XXXVII. Pardam von dem Knezebeck verkauft der Elendengilde zu Salzwedel eine Getreidepacht aus Barnebeck, am 10. April 1497.

Ick Pardam van dem Knezebeke, werners zeliger Sone, to Langenapeldorn beseten, Bekenne apembar tugende in vnde myth duffem breue, vor myk, myne eruen vnde vor alszwem, dat ick myth witschop vnde vulborde myner broder verkofft hebbe vnde jegenwardigen vorkope recht vnde redeliken to eynem rechten wedderkope, in kraft dusses sulftes breues, den vorsichtigen vnde bescheyden Hinrick Mylges, Oldermann, Hans Berteldes, Arnd Neylingk, Swyprecht van Doere vnde Hermen Gartzen, ghildemeistern der Elenden ghilde in der olden Stadt Soltwedel, oren nakomelingen vnde dem hebber dusses breues myth orem guden willen loesz scephel roggen jarliges paches, Alse nomliken im dorppe to Bernebeke in Diderick Szuringes houe, houen, acker, wisschen, weyden, holten vnde allen andern tobehoringen des houes, Dar var hebben my Hinrick Mylges, Hans Berteldes, Arndt Neylingk, Swyprecht van Doere vnde Hermen Gartze vorgenannte Vesteyn mark penninge Soltwedelscher weringe wol tor noghe entrichtet vnde betalet, de ik denn in myn vnde myner eruen nuth vnde framen ghekeret hebbe. Desse söfz scephel roggen jarliges paches schal vnde wil de vorscreuen Diderick Szuringk, syne eruen vnde de besitter des sulftes houes vnde guder dar tobehorenden den vakengedachten Oldermann vnde ghildemeistern, ock oren medetogescreuen alle jar vppe sunte Michaelis dach to Soltwedel bringen, to der noge entrichten vnde betalen. Vorbleue denne de betalinge der söfz scephel roggen, so mogen Hinrick Mylges, Hans Berteldes, Arndt Neyling, Swiprecht van Doere, Herme Gartze vnde ore medetobescreuen ore nastellige pechte myth rechte, geystlick effte weritlik, vthfordern vnde manen edder in dem gude panden effte panden laten to der noge vor ore pechte, sunder fruchte vnd vare des gerichtes; wente ick Pardam vnde myne eruen willen sie dar nicht ahne hindern, sunder vorderlik syn to allen tiden. Weret denne, dat god vorbede, de hoff vorwustede, so dat Hinrick Mylges, Hans Berteldes, Arndt Neylingk, Swiprecht van Doere, Hermen Gartze vnde ore medetobescreuen dar neyner pande inne konden bekamen, so scholen sie sicken holden an den vorwusteden hoff, houen, wissche vnde guder dar tobehorende, sicken der tobrukende vnde geneten alle iarliges vor ore iarlige pechte vnde nicht hoger. Vnde ick Pardam vnde myne eruen willen vnde schullen Hinrick Mylgefze, Hans Berteldes, Arnd Neylinge, Swyprechte van Doere, Hermen Gartzen vnde orn medetobescreuen desses vorberordes roggenpaches eyn recht were wesen vor alszwem vnde setten in de were dusses roggen in crafft dusses breues. Ock wil ik vnde schullen myne eruen dussen suluen roggen alle iarliges vorpflichtigen, vordegedin-

gen vnde vorbiden, ghelyk andern vnser gudern myth vnser kost vnde euenthure. Vorthmer hebbe ick my vnde mynen eruen beholden eynen wedderkop dusses vorberorden roggen. Alze dat alle iarlighe, wenn id my vnde mynen eruen wol beqweme is, so scholen wy Hinricke Mylgefze, Hans Berteldes, Arnd Neylinge, Swyprechte van Doere, Hermen Gartzze, vorge-
nant, effte oren medetobefcreuen den wedderkop in den veer hilligen dagen to wynachten vor-
kundigen vnde one denn in den veer hilligen dagen to passchen dar negestuoigende de vestteyn
mark penninge Soltwedelscher weringe houethstolz myth allen bedageden vnde nastelligen pechten
bynnen Soltwedel vull vnde all tor noge entrichten vnde betalen. Wann denne de betalinge
also tor noge izz gescheen, so schullen my vndd mynen eruen de soefz schepel roggen iarligen
pachtes wedder fryg, qwydt, lofz vnde dusse breff machtlofz syn. Vnde wy Steffen, Hans vnde
Jurgen, alle geheten van dem Knefzebeke, brooder des vpgenanten Pardames, Bekennen
mede apembare tugende vor alzwem in dussen breue, dat wy vor vns vnde vnse eruen dessen
vorberorden koop in aller mathe vnde wyse, alle vnse broder Pardam, ergenannt, myth Hinrick
Mylgefz, Hans Berteldes, Arnd Neylinge, Swyprechte van Dore, Hermen Gar-
tzen, ock vakengenomet, vnde oren medetobefcreuen angegan hefft, izz myth vnser witschop vnde
vulborde schein, wy vnde vnse eruen willen vnde schullen den kop also mede holden, wann desz
nodd izz to donde. Alle desse artikele insampt vnde eynen iewelick besunders lauen wy Par-
dam, fakenweldich, Steffen, Hans vnd Jurgen, Broder, alle geheten van dem Knefzebeke,
vpgenant, vor vns vnde vnse eruen Hinrick Mylgefze, Oldermann, Hans Berteldes, Arnd
Neylinge, Swyprechte van Doere, Hermen Gartzzen, ghildemeistern der Elendenghilde,
ock vpgenanten vnde oren medetobefcreuen also stede, vast vnde vnuorbraken sunder ienigerleye
argelyft, nyefunde vnde ahne geferde toholdende. Des to bekantnisse hebbe ick Pardam van
dem Knefzebeke vor myk vnde de vpgnanten Steffen, Hansz vnde Jurgen van dem
Knefzebeke, myne broder, myn Ingefegel vor vns alle veer, dat wy ock alle veer vor vns vnde
vnse eruen hir to gebreken, wiliken hangen heten an dessen breff, Vorsegeld nha Cristi vnser
herrn gebordt Verteynhundert iar, dar na in dem fouen vnde negentighesten iare, am mandage na
misericordias domini.

Nach dem Originale des Salzwedelschen Archives XII, 43.

XXXVIII. Kurfürst Joachim und Markgraf Albrecht rathen der Stadt Salzwedel gegen die
von dem Knefzebeck auf Kolborn eine Erwiderung ihrer verlegenden Thätlichkeiten statt alles
Klagens, am 29. Januar 1503.

Von gots gnaden Joachim, kursurst etc., vndd Albrecht, gebruder, Marggrauen
zu Brandenburg. Vnfern grus zuuorn, liebe getrewen. Ewer schriftliche clage vns zugesant
vnter anderm Inhaldend, wie die von knyfbecke zw Colbar euch das kricholtz In gutlichem
stant vndd vber rechliche versassung durch vnsern lieben oheims hertzogen heinrichen des
Jungern von Brunfwig vnd lunenburg vndd vnserer Rethe gedachts holtzes halben zwischen